



UNIVERSITÄTS-  
BIBLIOTHEK  
PADERBORN

**Exercitia S. P. Ignatii Via Ad Salutem Et Perfectionem  
Propriam & alienam, Tuta & perpetuo tenenda**

**Ignacio <de Loyola>**

**Hildesii, 1713**

**VD18 13664689**

Meditatio tertia. De Christi Virtutibus Tempore Prædicationis.

---

[urn:nbn:de:hbz:466:1-60348](https://nbn-resolving.de/urn:nbn:de:hbz:466:1-60348)

**Primò:** Post Baptismum secessit in desertum Christus, & ibi per dies quadraginta, & totidem noctes jejunavit. Præparatio ad vitam Apostolicam est novus Baptismus, seu emundatio à peccatis & habitibus malis: Deinde secessus, conversatio cùm Deo per unionem & orationem, isque non modicus sed frequens. **Tertiò** afflictio & mortificatio sui, quale erat jejunium.

**Secundò:** Ter ab inimico tentatus est: Accedens tentator dixit ei: si filius Dei es, dic, ut lapides istipanes fiant. Noluit repudiatio voluptatis sensuum, etiam in necessariis, scilicet pane mitte te deorsum. Noluit; ne ostentaret se filium Dei. Fuga honoris, Humilitas. *Hac omnia tibi dabo, si cadens adoraveris me.* Proponuntur bona mundi. Noluit. Paupertas.

**Tertiò:** Angelii accesserunt & ministrabant ei. Sic Deus istas virtutes compensat: spes, imitatio.

### Meditatio tertia.

#### DE CHRISTI VIRTUTIBUS TEMPORE PRÆDICATIONIS.

**I**nter Christi virtutes tempore prædicationis, sequentes hæ fuerunt præcipuae, meditandæ modo eodem, quo superius. Materia desumenda aut ex Libr. Exercitorum pag. 158. aut ex Evangelio.

**Primo:** Paupertas. Elegit discipulos pauperes, unde nihil æris, aut subsidii, Matth. 4. Marc. 1. Matth. 9. ipse pauperrimus.

*Secundo:*

**Secundo:** Charitas & studium benefaciendi omnibus, atque ita lucrandi animas. Joan. 2. Matth. 14. reficit quinque millia hominum. Similia sunt varia beneficia in quosvis.

**Tertio:** Gloriam æterni Patris quærit : vitia amolitur ; Joannis 2. *Nolite facere Domum Patris mei, Domum negotiationis.*

**Quarto:** Docet virtutis perfectionem Matth 5. sermonе in monte : *beati pauperes, beati mites &c.* Magno zelo gloriæ Divinæ, & salutis animarum.

**Quinto:** Varia itinera & labores.

**Sexto:** Oratio. Matth. 14. Ascendit in montem solus orare dimissâ turbâ. Matth. 17. Colloquium cum Moyse & Helia.

**Septimo:** Miracula Vg. Lazari: Joan. 11. fac supernaturalia omnia agas.

**Octavo:** Interea tamen sustinet multa dicteria : (Dœmonium habes &c.) insidias plurimas, odia.

**Nono:** Denique omnem virtutem suo statui convenientem invenire quivis in Christo potest.

## Consideratio.

### DE ELECTIONE.

**R**egulæ Electionis omnino præclaræ & Divinæ sunt; in quibus ipsem S. P. plurimum posuisse, & ad quas omnia alia destinasse videtur. Utiles illæ sunt :

**Primo:** Ad faciendam electionem statūs protatâ vitâ: imò etiam ad deliberandum de vera fide & Religione, si quis orthodoxam nondum amplexus esset.

**Secundo:**

*Secundo*: Ad confirmandum annuē, & perficiendum sanctioris vitæ propositum.

*Tertio*: In rebus difficilibus & dubiis per omnem vitam occurrentibus: item in rebus officii bene ordinandis.

*Quarto*: Denique in omni pene actione humana, cum enim ea libera sit, electio est. optimus est, qui elegit & agit optima.

*Advertendum est*, quām remotè, prudenter, sanctè, & efficaciter, ad optimam electionem S. P. animum hominis disponat. Nam, si quis exinde fine hominis, seriò & supra omnia & solum finem velit: si animo ad omnia cætera indifferente, media non nisi ad finem optima adhibere statuerit: si animū etiam à peccatis per confessionem, à vitiis per utrumq; examen expurgaverit, & magis magisq; expurget, si seriò novissima præ oculis habeat, atque nunc velit, quod tunc factum vellet: si Christi amore, Christum sequi certò constituerit; si sub vexillo dœmonis mereri prorsus nolit, sed Christi: si inter illos esse nolit, qui volunt & non volunt &c. Si denique ad 3tium humilitatis gradum, Christi amore, aspiret; Si inquam ista præmissa sint & constituta; certò, per Dei gratiam, consequetur bona & sancta electio. Hanc verò electionem factam confirmat S. P. sequentibus meditationibus tertiae hebdomadæ de passione Christi, ac denique in quartâ hebdomade per amorem & unionem cum Deo.

*Modus*

*Modus eligendi S. P. est, qui sequitur, in quo  
distinguenda sunt tria: 1. Quid ante electionem;  
2. Quid in electione: 3. Quid post Electionem fa-  
ciendum sit. Habet verò S. Pater duos modos eli-  
gendi, qui in unum contrahi possunt.*

### *ANTE ELECTIONEM.*

Monet S. P. in Præludio, cavendum esse; ne  
statum vitæ (idem est de aliis eligendis) mihi  
primùm constituam, ac deinde statuam in eo sta-  
tu Deo servire: præpostorum est. Primò viden-  
dum est, quidnam sit ad majus Dei servitium,  
ac deinde illud eligendum. Sæpe fit, etiam in a-  
ctionibus quotidianis; ut aliquis ratione vel affe-  
ctione merè naturali aut vanâ ductus velit quid-  
pam V.g. edere, bibere &c. Deinde velit inten-  
tionem bonam formare. Non bene. Tunc enim  
opus illud non procedit purè ex bona intentione;  
sed intentio & voluntas Dei famulatur præcedenti  
voluntati & affectioni propriæ. Si quid verò  
ejusmodi electum esset, per se non malum, nec  
jam mutabile; mutari saltem præpostera affectio  
deberet & deinceps meliori intentione agi: ita S.  
P. in introd. ad elig.

### *IN ELECTIONE.*

Primò: *Proferenda est in medium res deliberanda.*

Secundò: *Adducto ante oculos creationis meæ fine  
(aliquando addi potest finis statûs ritè jam electi,  
vocationis, officii) in neutrâ declinare partem...  
parato interim animo, ut ad eam illico partem totus  
ferar, quam novero Divinæ gloriae & saluti meæ fore  
aptiorem.*

aptiorem. Med. 1. Punct. 2. idem Med. 2. Punct.  
Quidquid affectionis tenet; ex solius Dei amore &  
iuitu proficiscatur.

Tertio: Obscurare Dei clementiam, ut dignet  
mentem instruere & impellere voluntatem, quocunq;  
potius mihi tendendum sit ibidem Punct. 3. fiet ho  
ad Deum & Sanctos, in magna humilitate & agu  
tione propriæ ignorantiae, miseriæ, periculi, ne  
cessitatis.

Quarto: Perpendere, quot tandem commoda &  
adminicula mihi ad finem meum prosequendum acc  
ident ex tali &c... quot ex eodem rursum incommo  
& pericula impendent. Præterea, quot per oppositum  
omisso illo, tam commoda & adminicula, quam dis  
mina & damna possim expectare.

Revocari huc possunt omnes præcedentes me  
ditationes, lumina motiva, & proposita; ita  
ex illis perpendas omnia & in utramque parten  
ratiocinari possis.

Quinto: Considerare, si quis mihi vir amicissimus  
cui nihil non perfectionis inesse cupiam, occurreret de  
bins super electione hujusmodi, quidnam ego illi deco  
nendum maximè essem consulturus. Quo animadver  
so, agendum & mihi ducam, ut suaderem alteri. MEC  
2. Punct. 2.

Sexto: Mecum insuper reputare, si mors ingruer  
quem me mallem observasse modum in presenti delib  
eratione. Fuxta hunc igitur eligendum nunc esse fa  
cile intelligam. ibid. Punct. 3.

Septimo: Prospicere non minus, quando pro tri  
bunali sistar judicandus, quo me consilio hac in re usum

esse vellem. Quo agnito nunc utar, ut eo tempore magis sim securus.

Octavò: Seposito carnis appetitu omni, electionem concludere. Med. I. Punct 5.

### POST ELECTIONEM.

Electione facta ad orandum citè profilire, & illam offerre Deo, perfectè demum, si ei placeat, recipiendam & stabiendam.

NB. S. P. Ignatius hebd. I. add. 10. dicit, quod utile sit adhibere opera pœnitentiae, ad dubii aliquis, quod nos angit, resolutionem. Tale dubium esse solet in electione.

### Verba Scripturæ sacræ.

Charitas Christi urget nos 2. Cor. 5.

Quis nos separabit à charitate Christi? ... certus sum, quia neque mors neque vita. &c. Rom. 8. 35. 38.

Quos præscivit & prædestinavit conformes fieri imaginis filii sui Rom. 8. 9.

Qui non renunciat omnibus, quæ possidet, non potest meus esse discipulus. Lucæ 14. 33.

Qui non accipit verba mea; sermo, quem locutus sum, ille judicabit eum in novissimo die. Joan. 2.

Ad dandam scientiam salutis. Lue. I. 77.

### Legenda.

Ex Thom. Kemp. I. 3. c. 25. 26. 27.

Libr. Exerc. de victu temperando. NB. aliis applicandum Reg. de distrib. Eleemos.

K

Lancit.

Lancit. op. 3. c. 9. Opuscl. octavo toto op. 6. c. 12.  
 Roderic. p. 3. Tr. 1. c. 12. de zelo an. ibid.  
 Tr. 3. de Humil.

Nieremb. de ador. l. 2. c. 6. 8. 10. 11. de Hu-  
 milit. l. 2. c. 15. 16. &c.



## Dies septima.

### DE CHRISTI PASSIONE.

**S**equentibus meditationibus de Christi Domini  
 Passione integrum hebdomadem tribuit S. P.  
 Ignatius. Minus potest illis tempus tribui pro cu-  
 juscunque conditione & utilitate.

Duo præcipue in hac materia expendenda sunt  
 quæ duplē fructum exigunt. *Primum* est,  
 magnum & incomprehensibile argumentum amo-  
 ris in nos Dei & patientis Christi: cuius fructus  
 sit amor mutuus, compassio, tristitia, ut ita amanti,  
 amatōque interiūs conformetur; sequaturque  
 etiam inde studium placendi magis & proximē  
 imitandi. *Secundum* est, clarior exhibitio eorum,  
 ad quæ Christus exemplo suo, pro Divina gloria  
 & nostra salute ac perfectione præivit; derelictio-  
 nis, contemptū dolorum ac ipsius mortis. Quo-  
 rum fructus sit, ut eadem in Christo amplecta-  
 mur ac toleremus, nempe exteriūs conformandi  
 in passione; confirmemus etiam ea, quæ in me-  
 ditationibus superioribus, & in electione sunt de-  
 creta secundūm omne genus virtutum, & qui-  
 dem.